



SAKSPAPIR

Saksnr	Utval	Type	Dato
04/2020	Formannskap/plan- og økonomiutvalet	PS	04.02.2020

Sakshandsamar	Arkiv	ArkivsakID
Tore Henrik Øye	FE-242	19/1293

TILDELING AV MIDLAR FRÅ MYSTERFONDET TIL OPPHJELP AV VILT OG FISK - 2019

Vedlegg:

Søknad om tilskot til oppgradering av skytebane

SIUS_Faktura Vaksdal og Modalen 20190708

Mysterfondet og Vaksdal kommune sitt fond for vilt, fiske og friluftsliv - Søknad

Myster30nov2019

Vedtekter Mysterfondet

Styret i Mysterfondet sitt framlegg til vedtak:

I medhald av vedtektene for Mysterfondet §§ 1 og 2, første og sjette ledd, vedtek Formannskapet/plan- og økonomiutvalet (FPØ) følgjande bruk av fondsmidler til opphjelv av vilt og fisk for 2019:

- Kr. 40 000,- i tilskot til Vaksdal og Modalen skyttarlag for oppgradering av skyteanlegg i Litlevika på Eidslandet, i tråd med søknad, jf. saksutgreiing.
- Kr 0,- i tilskot til Øvre Eksingedalen grunneigarlag til reinsking (klypping/fresing) av elvebotnen i Ekso for flotgras og krypsiv (avslag på søknad).

Grunna endring i politisk nemnd-/utvalsstruktur i kommunen, vedtek FPØ å gjennomføre revisjon av vedtektene for Mysterfondet, med vekt på § 2. Administrasjonen utarbeider framlegg til vedtektsendring for handsaming i styret for Mysterfondet og FPØ.

Formannskap/plan- og økonomiutvalet - Sak 04/2020

FPØ - Behandling:

Samrøystes vedtak

FPØ - Tilråding/Vedtak:

I medhald av vedtektene for Mysterfondet §§ 1 og 2, første og sjette ledd, vedtek Formannskapet/plan- og økonomiutvalet (FPØ) følgjande bruk av fondsmidlar til opphjelp av vilt og fisk for 2019:

- Kr. 40 000,- i tilskot til Vaksdal og Modalen skyttarlag for oppgradering av skyteanlegg i Litlevika på Eidslandet, i tråd med søknad, jf. saksutgreiing.
- Kr 0,- i tilskot til Øvre Eksingedalen grunneigarlag til reinsking (klypping/fresing) av elvebotnen i Ekso for flotgras og krypsiv (avslag på søknad).

Grunna endring i politisk nemnd-/utvalsstruktur i kommunen, vedtek FPØ å gjennomføre revisjon av vedtektene for Mysterfondet, med vekt på § 2. Administrasjonen utarbeider framlegg til vedtektsendring for handsaming i styret for Mysterfondet og FPØ.

Saksopplysningar/bakgrunn for saka:

I følgje vedtektene for Mysterfondet § 1, skal midlane etter utbygging av Myster kraftverk nyttast til opphjelp av vilt og fisk i Vaksdal kommune, med 75 % til fiske- og 25 % til vilttiltak.

Vaksdal kommune lyste ut midlar for 2019 i Vaksdalposten, i Avisa Hordaland og på kommunen sine nettsider.

Det kom inn to søknadar innan søknadsfristen 01.12.19. Søknadane, med innhald, går fram av «Saksvurdering».

Formelt grunnlag:

- «BKK-Myster kraftverk. Vedtekter for bruk av midlar for opphjelp av vilt og fisk» (Mysterfondet).

Saksvurdering:

Fondsstyret for Mysterfondet handsama aktuelle saker og innkomne søknadar på møtet den 07.01.20.

FRAMMØTTE:

- Magnar Nese - fast representant - valt som leiar (samrøystes).
- Evelyn Lode - fast representant - valt som nestleiar (samrøystes).
- Knut Eirik Møster - fast representant.
- Oddbjørn Hesjedal - vararepr. for Oddbjørn Vik, som hadde meld avbod.
- Tore Henrk Øye - landbruksrådgjevar/skrivar – ikkje medlem av styret.

MELD AVBOD:

- Caroline Myster (fast representant).
- Kathinka Neteland (vararepresentant).

I følgje vedtektene § 5, skal fondet ha ein grunnkapital (bunden kapital) på kr. 150 000,-. Saldo ut over dette er frie fondsmidlar. Saldoen per 01.01.20 er kr. 426 766,-. Dette gjev kr. 276 766,- i disponible midlar. Fondet får tilført kring kr. 45 000,- frå BKK kvart år.

· SØKNAD FRÅ VAKSDAL OG MODALEN SKYTTLARLAG OM TILSKOT TIL
OPPGRADERING AV SKYTEANLEGG I LITLEVIKA

Vaksdal/Modalen skyttarlag, v/ Trygve Mjelde, søker om kr. 40 000,- til oppgradering av skyteanlegg i Litlevika på Eidslandet. Søknaden utgjør kring 30 % av tiltaket sin kostnad på kr. 118 750,-. Faktura for gjennomført arbeid ligg ved søknaden.

- Drøfting: Fondsstyret ser det som viktig å ha ei tenleg og funksjonell skytebane i kommunen, for bruk til jegerprøve, øvingsskyting med meir. I dette høve vil tiltaket det vert søkt om midlar til, styrkje kapasiteten og tilbodet lokalt, mellom anna for hjortejegerar. Tiltaket ligg innanfor fondsføremålet, og det er tilgjengelege midlar på fondet. Det er òg eit moment at søkjar finansierer tiltaket gjennom andre kjelder enn berre Mysterfondet, til dømes eigne midlar/eigeninnsats.

- Innstilling: Styret for Mysterfondet går samrøystes inn for å løyve kr. 40 000,- i tilskot til oppgradering av skyteanlegget i Litlevika, i tråd med søknaden. Tilskotet tek utgangspunkt i kr. 118 750,- i godkjend/dokumentert kostnad.

· SØKNAD FRÅ ØVRE EKSINGEDALEN GRUNNEIGARLAG OM TILSKOT TIL
REINSKING AV ELVEBOTNEN I EKSO SOM FISKEFREMJANDE TILTAK

Øvre Eksingedalen grunneigarlag, ved Trygve Nilsen, søker om kr. 30 000,- til reinsking av elvebotnen i Ekso for flotgras og krypsiv i 2020. Bakgrunnen for tiltaket er auka tilgroing i det regulerte vassdraget, og BKK har i samband med dette gjennomført og finansierte klypping og fresing ved to tidlegare høve. Det er no planar om ny gjennom-føring i regi av regulanten, som har sett av kr. 300 000,- til tiltaket. Grunneigarlaget søker i denne samanheng om finansiering frå Mysterfondet, i tillegg til regulanten sine løyvde midlar. Dette for å kunne dekkje eit større område/areal. Nærare informasjon og grunngjeving går fram av vedlagd søknad.

- Drøfting: Fondsstyret drøfta bakgrunnen for, føremålet med og organiseringa av tiltaket. Fondsstyret oppfatar at reguleringa av Eksingedalsvassdraget, med redusert vassføring og temperaturendring i Ekso, er ein hovudårsak til attgroinga. Tiltaket det vert søkt om midlar til, vert sett på som eit fiskefremjande tiltak, som mellom anna vil betre høvet for fiske i ei stund etter klypping/fresing. Tiltaket ligg difor innanfor fondsføremålet, men fondsstyret meiner det er naturleg å sjå planlagd reinsking av elvebotnen opp mot ansvaret regulanten har for å ta vare på fiskeinteressene etter

vassdragskonsesjonen. Eit fleirtal i styret meiner difor det vert feil å nytte Mysterfondet til eit tiltak som BKK bør gjennomføre og ta kostnaden med, tilpassa det samla behovet for klypping/fresing. Det vart òg argumentert med fondet sin avgrensa storleik og avkasting ut frå framtidig bruk av fondet.

- Innstilling: Fleirtalet i styret for Mysterfondet går imot å løyve midlar til reinsking av elvebotnen i Ekso, og innstiller på at søknaden vert avslegen.

· REVISJON AV VEDTEKTENE FOR MYSTERFONDET

Vedtektene for Mysterfondet vart sist revidert 4. oktober 1999, jf. sak 71/99.

Samansettinga av fondsstyret går fram av § 2 i vedtektene. Her er det lista opp deltaking frå «Viltnemnda» og «Innlandsfiskenemnda». Dette er nemnder som ikkje lenger eksisterer i kommunen. Styret ser difor trong for å revidere vedtektene, og tilpasse representasjonen i fondet til kommunen si organisering i dag.

Vedtektene seier ikkje noko spesielt om korleis vedtektsrevisjon skal gjennomførast.

- Innstilling: Styret i Mysterfondet gjer framlegg om å revidere vedtektene til fondet, slik at dei vert samordna med kommunen si organisering. Nytt framlegg til vedtekter skal leggjast fram for FPØ til endeleg avgjerd og godkjenning.